

Newspaper	Utusan Malaysia
Date	12 July 2015



**NAJIB TUN RAZAK** diiringi Mukhriz Tun Mahathir menyampaikan sumbangan kepada pesara tentera dan polis dalam Majlis Berbuka Puasa Perdana Menteri Bersama Rakyat negeri Kedah di Masjid Al-Bukhary, Alor Setar, semalam. - MINGGUAN/SAFRIZAL AZMI

um - 12/7/2015

## 5,000 berbuka puasa bersama PM

**ALOR SETAR 11 Julai** - Perdana Menteri, Datuk Seri Najib Tun Razak menyertai kira-kira 5,000 rakyat negeri ini dalam majlis berbuka puasa di Masjid Al-Bukhary di sini malam ini.

Perdana Menteri tiba kira-kira pukul 7 petang diiringi Menteri Besar, Datuk Seri Mukhriz Tun Mahathir.

Yang hadir sama Timbalan Menteri Tenaga, Teknologi Hijau dan Air, Datuk Seri Mahdzir Khalid; Timbalan Menteri Perdagangan Dalam Negeri, Koperasi dan Kepenggunaan, Datuk Seri Ahmad Bashah Md. Hanipah; tokoh korporat terkenal, Tan Sri Syed Mokhtar Al-Bukhary; barisan Exco dan pemimpin peringkat negeri.

Dalam majlis sama, Najib turut menyampaikan sumbangan kepada 200 pesara polis dan tentera di negeri ini sebagai menghargai jasa mereka.

Terdahulu, Perdana Menteri meluangkan masa untuk meninjau bazar Ramadan di pekarangan Stadium Darul Aman dalam program 'walkabout' sempena lawatan kerja ke negeri ini.